

CHANSON

316

AR FUMEREZET.

Var ton ar Parlament.

Digassit din liou ha paper,
 Ma laçin eun eur vanden
 Bremâ souden var va c'hayer
 ar merc'het hac o fiben;
 Hac dies bras eo va speret,
 O velet qement a verc'het
 Pere a zoug en o c'here'hen
 Corn butun ha liassen.

Mes evel ma zeo danjerus
 ur vaouz, pa ves fachtet,
 c'houlennàn ouzoc'h excus,
 merc'het, mar bezit choquet;
 hac bezit persuadet mat
 pezo bremâ ur flippat
 balamour d'ho liassen,
 d'ho putun ha d'ho piben.
 Va c'halon a douneret
 velet ar viltançou :

Qement a zo ve sclabezet
 Pa fumont o c'horniadou ;
 Ha pa vezont ec'h oza'r yot ,
 Na vanq get sur da gaout e lot ,
 Rac neuze' vezont e trein vat
 Da fumi ur c'horniedat.

Me a zo avis deoc'h , merc'het,
 Da ober brinidennou
 Evit laqat var ho pruchet
 E plaç ho mouchouerou.
 Qementse ne gousto get qer ,
 En un devez ur c'hemener
 A rayo meur a vriniden
 Da blom glaouren ar biben.

Goaset , bezit iye difun
 Da brepar' ho liassen ,
 Da laqat an tamou butun
 A guelot en ho souben ;
 Rac m'en assur pred boued ebet
 Ne vezo deoc'h-u preparet
 Hep en devezo e loden
 Eus ar sustanç ar biben.

Pa zit en un tu da bourmen ,
 Ne ve get drouc ho quelet
 O tispaqa ho liassen

Da rei d'ho commerezet.

Va c'hommer, laqit ur c'horniat,

Ar vech-mâ e meus butun mat :

Pa vezo ar vlaguen gollo ,

An ozac'h a bourvezo.

Goude fumi, peur liessa ,

E clêvàn e ve sec'het ;

Neuze n'em leqeont da lonqa

Dour evel touliou gòet.

Ne qet soues bras o guelet

Gant hidropisi decedet :

Coulz e ve dezo eva the ,

Pe guin-ardant , pe gafe.

Mes ne zeus re qen disqempen

Evel ar vaguerzet ;

Unan a zo eus ar vanden

E deus dêvet he bruchet.

Caer vezo deoc'h , bugaligou ,

Mar guellit serri ho qinou ,

Rac anez o pezo certen

Lod a sustanç ar biben.

Guelet merc'het a zo esqis

O fumi ur c'horniedat ;

Coulz eo ganén guelet ur vis

O neza ur gueyelat.

Un donjer eo guelet o min ,
 Ha c'hoas e sonj d'an traou indign
 Pa ve en o beg ur biben ,
 E vezont merc'het qempen.

Goaset , pa zit eus ho qêriou ,
 Ne vanqit qet da guzet
 Ho putun hac ho pibennou ,
 P'otramant e viot flippet ;
 Rac pa deuyo dê c'hoant fumi ,
 Ne chommo corn abet en ty
 Na vezo surlogoteat
 Evit caout ur c'horniedat.

Mar deus , hervez an decrejou ,
 Commisseret er vro-mâ ,
 Da gonta ar chiminalou ,
 O deo labour da chifra :
 Paqet viot , fumerezet ,
 Rac ret eo , herves an decret ,
 P'aea divar peb chiminal
 Tri scoët ha pêvar real.

Bremâ ive , merc'het yaouanq ,
 M'o laqai er vreuriez ,
 Rac ne veac'h qet sur contant
 Ma n'o pe ho tijenes :
 N'oc'h nemet plac'het divalo ,

Dismeganç, fableden, farç ar vro ;
 Ha ma na guitait ar butun ,
 Sur e collot ho fortun.

Mes ne deus re qen etourdi
 Evel ar fumerezet ;
 Qentoc'h eguet chom hep fumi,
 E zaent da glasq o bouet.
 O ziez a vez dislogot ,
 Rac n'o deus na bara , na yot ;
 A boan vras ê dezo so qen
 Gallout golo o c'hroc'hen.

Servichereset , c'hui zo sclêr ,
 A ranco mont diarc'hen ;
 Ho cajou a vezo dister
 Evit bourra ar vlaguen.
 Manific e viot evelse ,
 Scànvoc'h e viot da vale ;
 Ha pa vezo lous an hentchou
 Na gargot qet ho poutou.

Avoalc'h sur emeus caqet
 Ar miero'het hac o liben ;
 Ma na dint qet convertisset,
 Int goassoc'h eguet payen.
 Rac se me ya da finissa ,
 Ouc'h o lezel var guement-mâ :

Selaouit attantivamant
Va diveza complimant.


Esper e meus, fumereset,
Goude eur seurt prezeguen,
E vezo ho calon touchet
Hac e reot pinijen.

Laqit urz vad en ho tiez,
Ha chenchit pelloc'h a vuez,
Rac mar bezit re obstinet,
E viot excumunuguet.

Ac'hanta ta, fumereset,
Poan oc'h eus en ho calon,
O velet qer brao qempennet
Hoc'h histor hac ho chanson!
Mes qemerit paciantet,
Calz c'hoas a ve da lavaret
Evit echvi pen da ben
An histor eus ar biben.

Ar chanson-mâ so composet
Gant daou ganfart disourci;
Evit exerci o speret
O deus great anezi;
Ne qet dre intantion fall,
Mes seulamant evit farçal
Hac evit en em recrei:

Merc'het, deut d'o fardoni.



CHANSON

AR PLAC'HIC PAOUR HA FUR.

Var ton Fantic Coant.

DEIZ mad dêc'h, Fantic Coant...

Mes pebes chenchamant !

Diveza m'ho quelis

E voa fresq hoc'h invis ;

Mes abaoue , me gred ,

Noc'h eus-hi qet chenchet.

Joà vras ameus ouzoc'h ,

C'hoas em bije muioc'h ,

Ma vije ho qenet

Eun nebeut decoret

Eus a netadurez.....

Pardonit , va mestrez.

Na ellàn qet credi

E ve dre ziegui ,

Qen nebeut supposi

E ve dre loustoni

O cuelàn , plac'h yaouanq ,

En ho lingeri fanq.

Anzavit din hep mez

Doare ho tieguez.

Paourente zo calet,

Mes n'en deo qet pec'het :

Lavarit din hep aon

Ha c'houi a vanq a zaon.

Autrou, e ty va man

Na gafet qet un tam,

Nac arc'hant da brena,

An dra-se zo goassa ;

Evelse n'en don qet

Da veza tamallet.

Ne ve cavet om zy

Nemet teir scudel pri,

Teir loa goad, ur bodez,

Ur podic da glasq lèz,

Diou scaon, un tabore,

Ur banq hac ur guele.

Cavet e ve ouspen

Un tamic chaoudouren ;

Ur gos cramaileren,

Trebez, pillic, pladen,

Evit oza crampœz,

Mes nonpas alies.

C'hoas ur c'hribinou mad ,
 Pa ve lin da gribat ,
 Daou gar evit neza ,
 Travouill da zibuna ,
 Tamouez da oza'r blend ,
 Pa vez guerzet an neud.

N'on neus qet pemp guennec.
 Da gaout un tam blonec ,
 Nac un dornad olen
 Da zalla ar zouben ,
 Hac evit ober tan
 Hon eus ur garguic lann.

Cetu aze , autrou ,
 Invantor va guiriou.
 N'en deus qet er c'hontre
 Ur plac'h qer paour ha me ;
 Mar clasqit ar madou ,
 Chençhit tu d'ho pajou.

Var guementse , f'antiec ,
 N'en doc'h qet pinvidic ?
 Mes ho comzou guirion
 A ravis va c'halon :
 Seulvi ma ho clêvàn ,
 Seulvuioç'h ho caràn.

Me zo ur marc'hadour

Dre zouar ha dre zour ;
 Me meus aour hac arc'hant ,
 Ha demeureñç charmant ,
 Gant sourci vras meublet ,
 D'ho receo pa guerfet.

Tri pe bêvar bloas so
 E valeañ dre'r vro
 Evit clasq ur pried ,
 Ha n'em cus qet cavet
 Ini d'am zantimant ,
 Nemedoc'h , plac'h prudent.

Lavarit din eta
 Ha me a dle conta
 Da gaout ar blijadur ,
 Dre voueur dreist natur ,
 D'ho quelet oc'h orni
 Dre ho qenet va zy ?

Mar bez contant va mam ,
 Me na zifferin tam.
 Dre vemes carante
 Deomp hon daou he bete ;
 Va c'halon zo mantret
 Mar bec'h discouviêt.

Deiz mad , greg henorus ,
 Mam vad , fur hac eurus ;

Mam d'eur verc'h enorabl,
 Caer, modest, agréabl,
 Am bo evit pried,
 Ma n'am refuset qet.

Birviqen ne gredàn,
 Autrou, vec'h deut amàn
 Evit ober goulen
 Demeus eur vergeren
 A bep tra dibourve,
 Sepet a burete.

Sellit e pes castel
 E chom an demezel;
 Guelit e peb costez
 Ar brassa paourentez
 Evit ho tistrei
 Deus an nep fantazi.

Mam, eus ho tieguez
 Em eus anaoudeguez;
 Var guementise tevomp,
 Hon tri en em glevomp
 Da veva en hon èz
 Dre va finvidiguez.

Autrou, ne dleàn qet
 Refusi ho reget,
 Dre ho tisinteres

Er choas eus ur vestrez ,
 E zoun sur e rentfet
 Eurus va merc'h caret.

Dre o friedelez
 Eurus voent assambles ;
 Douçter ha yaouanqis ,
 Modesti ha coantis
 A zo guell avichou
 Eguet an oll vadou.

CONCLUSION.

Dre'r zon-mâ e veler ,
 Var ar mèt hac en qêr ,
 E zeo ar barfetet
 A blich mui d'ar voaset.
 Rac-se , merc'het ar vro ,
 Bezit modest ato ,
 Hac e cavot pried ,
 Evel ma teziret.

F I N.

E Montroulez , e ti LÉDAN.